

湘

瑟

詞

湘瑟詞卷之二

中浦錢芳標蕝斂慕

慶春宮

咏三絃

瘦似燒槽輕於焦尾誰雕四尺香檀分軫難均排絲有
序數來偶外餘單支蛇蛻薄試春筍低挑漫彈天生配
合紫竹紅牙共話悲歡教師翎雀新翻腕底分明滾
出珠盤畫舸攜將石場賽去平章錦陳花壇千條刪却
厭箏柱秦聲太繁羨他僥倖貼近裙腰小鼓團團

明月斜

街鼓沈隱燈炮忽憶桃笙月墮時叢篁瑟瑟疎簾下

驪驢金井

出東便門送
行輿中有感

綠楊無恙，但是邊添隊小。鳬眠浪千里，窈陰做離人愁。
况尋常祖帳，都不似這番惆悵。錦幃迎來玉輪碾去，陡
然心上。東華軟塵十丈，似紅墻隔斷，煙浦漁唱。照影
淪漣，愛一泓新漲。夢中曾向，只爭欠釣絲輕颺。易擲丁
年，難消卯酒，飄零誰傍。

隴頭泉

隴頭泉怪來幽咽，難聽想都將行人淚點，亂隨紅雨飄
零。最無情風帆颭颭，知何處烟樹冥冥。溝水東西，神光
離合，狂奴久矣。誤娉婷，泥繡幕，一春香霧。輪與護花鈴，
止贏得征衫點土。旅飯侵星，歎醴陵生疎，鏤管也因
賦別頻經。再牛緣誰尋釧合，故鄉路愁指雲屏。醉墨題

牆嬌鬟按拍。舊歡前事。憶旗亭。儘調笑。數錢人好。下馬
索銀鐙。而今向天涯。夢醒燈火。青燐。

錦堂春慢

約雨騎雷。驅塵爽吹。麥秋支得微涼。對疎簾清簟。只少
瀟湘。巷僻車輪畫斷。人閒漏箭年長。好展澄心堂紙。字
擬官奴。句擬冬郎。日極迴文消息。正吳雲黯黯。江樹
蒼蒼。想家臨谷水。人坐船牕。點處萍痕破碧。催來梅顆。
垂黃。此際幽情幾許。品盡茶經。試盡衣香。

下水船

銅盞敲冰處。燕市重經裨暑。浣悶排愁。偏愛棟風梅雨。
水沈炷。不似江鄉早瀝。點了薰籠單綰。季華去。一霎

隨飛絮若箇蘇顏能鑄錦瑟釧筆樽前減盡情緒同羈旅只有星星難忘商畧碧紗中語

駐馬聽

川柳也
田嶺

四載空幃念多少冬釘夏簞誰知京華相慰拔釵沾酒一燈雙影剛隨也驚伊試粉裙減盡腰兒畢竟秦樓鳳皇名讖應了長離新來對花對月對酒纖悉堪追縱把斷腸句吟盡何爲心似枯蕉雪後難傳畫手王維漫自遣算蘭舟猶未迎時

小鎮西

端陽前作
樂章集體

海榴照眼時水嬉近矣潭西樹畫船曾繫袖雙倚正青簾扶病凝妝細寫新蒲一般天氣兩般風味去年淚

便當歌強忍。有鄉如異。今番况異鄉。真寄綠陰裏。任襟懷。駢賊不醒不醉。鳳樓人在。應辦綵絲纏臂。

慶春澤

喜王儼齋及弟

塵尾清言。烏衣華閥。過江族望無雙。法護僧繇。盈階競秀琳瑯。三樹玲瓏君最少。記當年金市乘羊。羨才多句。是襄陽書。是襄陽。朝來一賦獻長楊。正鳴梢乍歇。紫袖焚香。唱徹勾臚。爭看白面王郎。杏花天氣。桃花馬。映宮花。醉袂風颺。道承恩殿直。鴛鴦。錦賜鴛鴦。

滿湘逢故人慢

送沈檀音司馬衡州

三季一見。又帳飲青門。郵籤赤岸。水盡南天。遠向斑竹叢中。鷓鴣聲畔。楚雨湘煙。堪嘯傲桃笙。葵扇。飽長風轉。

側帆輕九幅翠屏當面。掖門深官燭晚想更直清吟
沈腰帶緩傷玉皇香案暫出守分符臨江擁傳宣室新
恩知不似賈生羈宦倘相貽獄麓唐碑好托素秋回鴈

春雲怨

夏日
咏水

藥淵脩月倩吳柯敲響馮彝宮闕姑射仙姿綽約不數
嶠山堆絳雪調出瓊筵擎來渠碗沈李浮瓜伴寒冽雲
屏邊水精簾底瑩影更難別酒闌最解相刻渴甚
盈車不散朱門炎熱短壑青松幾時踟試嚙丹脣莫是
真妃淚鉛凝結蟲語偏知孤踪休聽畱取玉壺其微

稍遍

燕京午日川
東披春晴韵

髻几膽鉾柵火欲然仍滯京華地驟冷節角黍脫菱衣

其盈卮渚蒲芳氣競渡幾人追荆楚垂楊堤畔寂寞金
溝水對清簾疎簾輕綉細葛慵將白浮紅比任辟惡鄰
戶插桃枝更續命新綰臂間絲不似潭西搥鼓迴船少
季滋味念當日誰家珠麗縹緲層樓裏綠紗齊拓笑
語分明逗伶俐惹挾彈妖童拾鞭狂客瓊筵數遍逡巡
起戲罷都盧唱殘款乃珮環遙散天際尙鈿釵珠珥軟
沙遺墜算十二季來旅顏低只家山兩度娛意多少醉
舞清歌髣髴疑前世忽思匹馬平原道上題壁遣愁難
已那時猶有病香闌話征夫熱透雙耳

無愁可解

反東坡
詞意

我始欲愁君莫遣向茫茫遠水凝望樹頭千片紅被風

雨昨夜葬鑄就六州生鐵樣誰把寄與天上算總在不
寐時二十五點特地醞釀也想博塞抨弓歡遊處新
來遍成悽愴任達曾折齒慢說狂奴舊況客裏愁城一
萬丈鎮日與酒兵相抗只除是諧就無愁曲兒喚南國
莫愁唱

月華清

呈肥水先生

襦刺依然潘季去矣又到長安日下正值孫陽天厩再
評聲價却蹉跎越女江頭空坐失娉婷不嫁應訝爲無
端棧豆鼓車甘駕兩載蕤鄉蟹舍負東閣前期西園
清夜黃絹題辭珍重珊瑚筆架縱柯亭逸響偏收怕鏤
管近來花謝長夏喜綠槐賜澣絳紗乘暇

城頭月

綠楊橋畔城頭月。別去三回缺。後夜圓沙何人橫竹撲。
漉羣鷗雪。長年夢穩篷遮艫。雁齒參差接。繡被焚香。
吳飲盪漿。趁早迎桃葉。

彩鳳飛

五月廿一日

謹子國春中浦。兩度嗟萍梗。誤茲辰妝閣。珮聲釵影誓。
今生藕花裏。雙宿雙飛。如何便夢斷。舊沙鴛頸綠波冷。
寂寞天涯。羈客臨風空思省。問幾時同倚銀床露井。
拜幃前。織素小應也。悲哽。鸞迴乍捧處。淚眼炯炯。
時接。有有令。

咏鸞哥川惜
香樂府韵

新翎刷翠。曉日畫簷前。夢回嬌語碎。猶未收妝鏡。早報

道鄰姬至最憐他誦得郎詩呼將婢字太教伶俐閒
擲相思豆戲更笑指綠衣人比一顆金桃啄後紅嘴畱
芳氣隴山故里何地粒香水美知鎖向玉籠幾歲

徵招調中腔

京耶
聞蟬

聚枝纂纂榆陰密六角展蒲葵新摺短夢醒來據烏皮
嬾更摹韭花帖斜陽半樹鳴蜩咽彷彿訴羈愁重疊
憶得箇人曉妝初鬢影貼映顯雪

水調歌頭

祖氏園
觀荷

四面柳陰合十頃藕花稠鑑亭西角重到笑語狎沙鷗
倚遍赤闌無暑閒却白團不御嘒嘒午蟬幽彷彿五湖
隱銷夏小灣頭池如綺風如麝簾如秋哀絃急管閒

作宛轉合伊州。滿眼煙鬟霧珮。入手江蓀岸芷。只少釣魚舟。且盡碧筩勸。莫話汜人愁。

鶴冲天

自題小像

蘋汀蓼渚。顰瑟人何處。嬾憶夢中吟。峯青句。喜家臨溯。灑儘客我牽船住。鷗羣堪結侶。茶竈閒攬。不是效顰桑苧。煙低日暮。湯藥沿波去。吹火搗香蘼。鱸新煮。聽漁童簫罷。又涼送鳴簑雨。綠楊波幾許。暮簷篷窗。誰識舊時張緒。

又

澄泓小渚。別有幽棲處。積習未能忘。耽佳句。且浮家泛宅。向蘆荻叢中住。輕肥非我侶。吳水吳烟。休問獵城名。

亭 殘霞欲暮草屨撈蝦去落葉掃林坳松醪煮任九
衢塵裏競翻覆爲雲雨仙翁如見許注目扁舟好慰季
鄉歸緒

望明河

祭丑七夕同安
士錫鬯岳亭

他鄉綺節且瓜果親朋潑杯爭罰幾日新秋覺雨後絺
衣晚來涼徹蛛絲休占巧算騎省宦情拚拙怎時候誰
遣橋邊烏鵲南飛三匝針樓畫闌天末記憐愛綵線
佩蘭曾說兒女關心怕觸著眼前金釵鈿合倦遊霑巾
淚伴露點熒熒看難別醉眠也依舊風燈不定暮階蛩
咽

雪獅兒

咏猫 京邸無
事戲同錫鬯作

花甃臥醒。又閒趁十二闌邊。一雙蝶舞。繡倦空圍。幾遍
春藏。親撫奔騰玉趾。亂蠅拂紅絲千縷。試驗取雙瞳似
線。庭陰日午。好是蠶時早乳。問當年果否。其調鸚鵡
入蜡。迎來何處。遠村巫鼓。雲圖錦帶。漫榻得張家遺譜。
燈明處。合對金猊小炷。張泌妝樓記云。張搏好貓。有雲
圖錦帶。諸名價值。數金。又黃尊

師善

畫貓

二郎神

新涼矣。覺八尺龍鬚如水。正草綠。開門人伏枕。書籤畔。
藥爐煙細。剝雨零風端。爲我做。弄出秋陰。天氣歎倦客。
詩慵酒懶。黯淡襟懷同此。彈指半。年冉冉。總成匏繫。
道病怕愁添。須按抑。奈病裏鄉愁偏殢。菰飯蓴羹。歸計

得問誰遣重來索米。儘屏掩燈昏。夢語依稀也。應嗟悔。

憶少季

小屏殘燭。小窗殘雨。小樓殘夢。銖衣已。煙散只。蘅蕪香。重。錦瑟華年。愁裏送。便淒涼也。無人共。傷心白。團扇。畫。秦娥。簫。鳳。

天香

佛手柑

瘴雨收時。秋烟羃處。林梢幻出香玉。腕瘦常懸。指纖頻。掐。裊。皺。淡。鶯。紋。殺。銅。仙。掌。曙。看。露。顆。如。珠。盈。掬。重。疊。鉤。文。在。握。誰。知。後。身。金。粟。鬢。雲。寶。瓔。散。馥。問。何。似。妙。檀。濃郁。想得太常齋日。印畱天竺。一燈夕。傳來華屋。笑鳥爪。麻姑漫拈曲。只合拈花同參。蔭翫。

紅林擒近

蘋婆果

晉帖來禽後楚江萍實微緋碧染圓顆香綿裊豐肌夜
來蘋風乍起風裊幾樹垂垂小字竊得江妃偏稱剖棗
黃渠碗貯片玉甘液潤詩脾過江不變靈均橘頌空

題憶西山蕭寺淡紅繁蘂梨雲醉影逐夢飛

西山嘉禪寺蘋婆果最

天鵲

對雨如夢常幕西郊涼氣偏早衝泥問前路正村扉
書掩窗深夢初醒上全消青霜未染離落豆花香小季
時禁烟
愁耿懷抱凝眸處依舊亂山繞但歷歷

歷碑陰三傳杯似遊蓬仙夢漸杳蟬嘶高樹杪
送一派三應難寫悲秋調步兵清淚灑向窮途
多少三露宿草

漁父則門

秋柳沿堤把似幄蔚藍過雨蟬聲作泥泥波紋萍點薄
涼漸覺何三柳絲垂絡三也有魚層躍客釣分明畫
出江南樂三輕舸橫岸泊羈緒惡麗譙日暮休吹角

慢捲綰

似斜街舊宅

雙柯小院三楹淨三六載棲遲處記秋葉春花無限幽
懷都教付與銀牋芳醕割肉歸來拔釵沽太投轄聯新
句三懸夢錦監綠三騰窗影驚曙水萍風絮重來

舊事皆無據縱生意依然未盡攀條悽愴也似仲文枯
樹燕市悲歌狗屠列坐賸有當年侶只無奈樽前聽罷
烏棲淚泣如雨

剡遲杯

題蕃錦集秀水朱十集
唐人長短句爲詩條也

奚囊句想女媧殘石曾攜去支機碎剪鯀文別改天序
鴛骨銖衣飄舉更不道玉尺縫金縷訝香紅萬種難容
總被蜂鬚偷取曉風柳七情緒偏吟到黃河遠上佳
處百和然香五侯合鯖纔稱兩鬟歌絃從蘭晚金盞伏
數且研就吳綾烏闌誰倩雙鉤甄賦羊裙試擬懷仁書

序

蘭亭後序乃懷
仁集右軍書字

梧葉兒

通書

煙橫岫雨滿江。浙瀝響篷窗。亂荻斜橋暝，疎鐘遠寺撞。
換取鯉魚雙。儘傾倒松醪小釭。

漁家傲

題畫

倭鏡空潭三四尺。拒霜斜艣紅無力。鷺影聯拳花底白。
絲歷歷。窺魚立。皺萍痕碧。彷彿吾家婁水北。授衣時
節。蛩催織。月到汀蘆入正客。秋瑟瑟。披圖無限綸竿憶。

多麗

送喬石林假歸

正涼秋。嫋嫋江風吹葉。羨輕裝玉鞭乍指。寸心南望先
慙。近家山如畫。一片射陂雲。隱映晴堞。拂樹青帘。倚樓
紅袖。長堤燈火暮。仍接小槽畔木瓜新釀。攜伴遨遊。屨
仙郎句。知應寫遍舞紉歌筵。况戲著斑衣。爛熳賜歸。

絲籠稠疊待晨餐。白華笙奏。話承恩。帳殿從微。索米憐
余思草輪爾。生衣空臥。舊溪楫。似遙送。隔河新婦。愁損
待年妾。和期處。春滿鳳城。軟語重淡。

珍珠簾

題江蛟門
錦瑟詞

玉溪題罷西崑體。更誰如曉蝶。春鵲才思。紅豆衍波箋。
冷落雕蟲技。賴有汪倫傳絕調。彷彿聞桃花潭水。燕市
美粉。牆紙扇。斜行小字。想見下直餘閒。有燕釵並坐。
驚笙相倚。索和玉臺人。總是消魂際。做帶千金。偏妬汝。
漫自謗。湘靈錢起。無寐。正新涼。燈火名香靜對。

厭金盃

香合初收門。環早閉。甚鴉兒。隔花頻吠。小鬟多事。挑盡

碧紗燈開語戲照遍鞦韆影裏老魚掉尾病鶴梳翎
惹無限浪猜虛慘煦春堂約幸是不曾來人未睡明夜
鵲鵲慢會熙春堂見嬌紅記鵲鵲會見姚月華傳

水龍吟

閨

乍晴紋簾涼多碎砧敲秋初更靜旅夢難成一樽閒對
風簾燈影隱隱高空數聲何處月微煙暝爲稻梁催去
瀟湘千里早排箇銜蘆陣擬把江鄉書儘水湛湛遠
灘楓冷倦翮連翩夜寒應傍鳴圃漁艇岸滿鉤竿十三
絃柱不堪重整記廿年前師秦郵野泊有人同聽

畫屏秋色

同錫鬯覃九豫章
飲兄登妙光閣

絲雨銅街歇約酒徒閒趁軟泥芳屨幽砌蓼紅矮牆苔

碧偏綴秋節。啓高閣、歲粃水川衣淨。映素氈面赤。闌簾盡揭。對樹裏人家。霧中山色。指點舊曾遊處。宛然風物。悵絕羈踪。漫說記曉鐘。午磬聽徹。商飈頻閱。劉郎重到。漸催鬢雪。如意挂蒼涼。影堂蛩語。煙夢客擬從別。雲正合。算只有蘭生。新愁堪掃。萬髮且買雙螯。醉月。

丹鳳吟

徐力虎席常席上同令肥宗伯紀懷子白仲調徐公佑張豫章家飲光川片玉韻

賜沐西清多暇。釀黃紉梁。寶邀黃閣。珊瑚爲架。筠管靜臨書幕。涼宵換席。坐來還見月。練鋪平。雲羅吹薄。共話江鄉。桂信露冷。風香何限。菰米菱角。賴得麴生味好。眼前蹙減。羈思惡。秋鬼寒。蠶句吟成。擬古那數。劉鑠。留髡交鳥。樹裏參旗從落。小袖送鉤殘燭。昔喜柔荑頻握。

狂奴此際端爲伊醉著

鼓簫慢

八月十七日吳友
數人集斜街寓齋

統如雙下花奴慘先喚起參差玉問誰人偷向婦娥桂
殿演霓裳新曲欲斷還聯處香檀拍幾回頻促喜鵲絃
宛轉鶯笙瀏亮釣天夢依稀續
浹耳吳音纖軟數聲
傳漫誇曹穆四筵屏息一絲徐引有梁塵時簌漂泊京
華客身疑在半塘船宿漸紅霞暎樹秋河絡角任燒殘
樺燭

錦堂春

題趙文倣畫峽
蝶草花冊子

淡渲輕勻露痕沾午柳
雨澗憑欲下向青陵臺畔路認
前身影化粉衣香惹
想見紅閨玉纖摹罷消受得珊

珊瑚筆架試鉤簾開展玩誤小鬟笑把白團來托

風流子

題李箕山書

薜荔洞門千尺舴艋波心一隻松偃蓋石鉤衣藏箇山腰小宅行客誰識莫是百花潭側

滿江紅

甲寅二月乞養出都馬上憶去年情事仍用舊和壁間韵

歲馬陵風喜從此趨朝免起但慰勞板輿華髮晨餐潔爾試問三槐丞相府何如五柳先生里繪扁舟蝦菜一

閒身真歸矣

余在都曾繪菴漁圖

心漸覺清如水門莫羨喧如

市讓珥貂鳴玉竭能誇技鳥嚙花濃攜舊侶茶香笋美尋關士大江東子載幾同心張翰耳

又

馬首煙絲青未了。炊烟又起。抱甕者東。留。有約。近將從爾。且就池邊營五畝。再休櫪下。貪千里。待歸橈。無數故園花。春深矣。金臺月。盧溝水。飽聞過。宜條市。只今吾非故。進乎斯技。宦况淡於雞肋。味人情。幻似鶯籠士。謝天公。客我荷長鑱。尋蒼耳。

山漸青

曉風尖曉霜嚴。野店春寒。分外添。中年此味諳。近江南。挂江帆。鮮菜鮮肥。笋蕨甜。歸應換紵衫。

江城子

寒食渡江同張
刪門馬菊田

佛狸祠下草如茵。水粼粼。送歸人。御柳宮烟。終遜故園春。纔見南徐山幾疊。草忘却。倦遊身。單衣拂拭舊緇縑。

塵趨苦晨賣錫新繫纜沙頭燒笋脰銀鱗同是昨
客路斜不似去時顰

憶舊遊

悼廖城
陸君賜

釣篷歸去路。又是年時梅雨廉纖。按歌人何在。斜陽樾
影向。映細簾。教坊弟子多少。空度望江南。記月下。米絃
燈前。檀拍曾對何歡。無端渭城後。便折柳匆匆。惟願

征衫重到岐王宅。歎開堦苔鎖舊譜塵緘。廣陵漫想遺

調。紅豆。嬾頻拈。只鬼唱秋墳。棠梨落處。雙淚霑。

北曲六
宮惟道

宮失傳。君賜得處山家宗伯藏。本有平仄而無字句。每
欲索當世周郎盡補其缺。壬子歲館余之西軒。為填雲
和瑟冷一闕。君賜以三絃度之。今童子猶能歌此曲也。
三宮以元人院本。分別宮調。視字審音。定拍欲甚。一書
與南九宮譜並傳。時已垂老。雖呵凍焚膏。無少倦色。帙
將成。會余以假滿入都。未竟厥事。此老已云歿。今人

多不彈
惜哉

水龍吟

咏螢川坡公和
章質夫楊花韵

黃昏庭院無人。何來幾點疎星墜。未燒蘭燭。乍移桃簾。
催將秋思。巧入低穿。銀床漸冷。銅鋪初閉。向畫闌干畔。
齊紈試撲。忽逐粉牆陰起。飄落溪頭山嘴。也多情。艸
黏花纔。狂蹤暗度。朝來那管。雨零風碎。苑荒涼。剩伊
腳盡。季光如水。最無端。賺得玉階長信。不服鉛淚。

看花廻

似董蒼水荷亭
川周清真韵

紅橋鴈齒斜度。寶鑑奩潔。誰遣新妝無數。儼綽約凌波。
珮擁環結。玉杵敲處。茗椀縱橫桃簾滑。人半醉。解意涼
颼。晚香時遞。更幽絕。高柳外。蔚藍銀月。纔吟賞。針杼

瓜節一片蟬娟清影闌。漢女湘妃霧鬢雲髮碧簫休勸。
畱取山田瓊腕折。野航歸殘夢醒。悔與鴛鴦別。

石州慢

立秋後七日
別高季迪韻

倚遍層軒。颯颯曉風。衣裳初灑。秋來暗覺鬢如騎省情。
將鏡把書籤。禪板任伊百計消排。閒愁慣向中年惹。絲
竹倘逡巡。更如何。陶寫妖冶。永新一曲。彷彿瑤天步。

虛吹下。况更分曹賭酒。圖藏謎打。西陵人去。可憐金縷。

遺音恍疑身後逢。司馬明滅畫樓燈。漸參旗橫也。

時有女郎

環聲麗如。在坐西陵
三句感靜蓉較書也

如意令

用李梅
亭體

去歲授衣時候。人在燕臺中。酒夢裏話江南。虛度菊前。

楓後消。受消。受憶著。按歌紅袖。今歲扁舟買就。蟹信
又過重九。雨雨復風風。鎮日薰籠厮守。依舊依舊。開却
記歌紅豆。

夜半樂

並語用柳屯田韻

沈。寥。一。派。秋。氣。因。誰。哽。咽。啼。徧。芙。蓉。渚。向。月。練。低。時。露。
珠。濃。處。曉。蟬。已。歇。晨。雞。未。起。幾。多。陳。事。關。心。不。堪。重。舉。
況。送。客。扁。舟。溯。烟。浦。二。更。酒。醒。夢。破。半。雜。疎。砧。半。和。
衰。樹。偏。只。傍。莎。根。聲。聲。聽。去。蟪。蛄。塞。冷。鷗。鷺。塚。廢。怪。他。
也。學。唧。唧。小。窓。兒。女。伴。孤。館。無。聊。燈。下。語。此。際。應。惜。
雪。鬢。頻。添。玉。顏。難。詠。隨。煙。渚。涼。總。無。據。黯。空。閨。惆。悵。遠。
道。音。書。斷。驚。啼。耳。曉。近。香。階。路。纔。鞍。馬。歸。何。暮。

浪淘沙慢

漁歌川周
清真詞

五湖去。瀾瀾野水，隱隱殘堞。呖軋輕橈乍發。嘔啞短調，
幾闌越箏笠。新編絲網結。任容與、渚在沙折。漸細雨斜。
風暮潮拍。遙邨鳥飛絕。清切。楚烟不礙。寥濶。傷斷菰。
幾楓磯頭聽。髣髴鴻響咽。笑瀾岸、驪駒徒送人別。餘音
漫竭。倩玉龍吹出滄浪時。月多少。朱門霓裳。疊浮雲散。
袖閒扇。掀問爭似。蓬窓無欠。缺。願從此。泛宅浮家。和歌
罷。人間那得盈頭雪。

泛清波摘遍

軋影川晏
小山韻

水荻香小。岸柳絲輕。五兩恰逢風力好。波紋歛側。似解
歸程。客心早。三湘道。千櫓迤邐。六幅低迷。遙暎亂峯青。

未了蕩婦凭樓脉脉斜暉數盡多少
暮烟渺吹去漸隨渚鴻落後漫依沙草
歷遍潮生夜闌月沈霜曉舊遊
杳隋苑剪錦頓非吳娃采薌空到
載得漁簑無恙溺醪須倒

疎影

落照川姜白石韻

歸飛屬玉帶斷霞幾縷洲畔尋宿
極望長沙明滅中流湘娥儼映斑竹
羣峯紫翠交凝處一半隔煙江南北
怕畫樓未放晶簾賺出影中人獨
似線天涯趕盡王孫向何處
裙草空綠自古無情冉冉西馳
不啻山丘華屋寒水舊路
虞淵薄莫更待比鄰吹曲
蘅挽幽野寺斜紅勝楊郭熙千幅

龍山會

九日登細林山同蓬山律始文在霞上詩
實肖求湘九鑒遠子簡姪迪公越江歸飲

西潭小
烟波

亘野秋雲凝一舸沿洄小泊紅橋下振衣舒望眼無數
樹舊綠新黃堪畫佳節自年年筭惟有遊人代謝嘯歌
罷斜陽半山茱萸共把千點接翅昏鴉繞澄潭有照
煙亭樹住山蔬果易菱角嫩偏稱腮鱗筐蟹清露濕歸
橈隔谿漁燈影乍判醉也莫負桂花香徹夜

聲去

月中桂

山齋
咏桂

竊藥嫋娟謫人間幾時別貯金屋如塵碎雨愛異香濃
染曉妝初沐鬢雲瓔珞小謝錦隊三春炫服花底微酣
後醒來錯認伊闕廟中宿東籬未開叢菊勝芙蓉夾

岸掩映紅簇淮南客散縱賦成招隱穢憐幽獨裕衣纔
著處任拂面涼飈簌簌摘去當爐手偏宜小槽新釀綠

解連環

蘆花玉峯
道中偶成

暮江蕭瑟。瀟江洲點綴。楚天秋色。映一片錦樹枯荷。肯
漫學東風。柳綿無力。雪意垂垂。恰藏箇小船吹簫伴閒
漁。露頂荷驚聯拳。一般頭白。宵來緒風漸側。捲銀濤
萬點。顏片千尺。認空濛霧雨聲中。却蟾影低篩。雁程遙
碧。憔悴徐娘。老去風情。非昔記。年年。滌裙水畔嫩芽
乍坼。

夢仙郎

樓臺罨畫劉郎去也。門掩處碧桃開謝。二十六魚鱗一

紙寄無因。清晝枕屏嬌倚。慵紅悶翠。尋不到楚峯迢
遞。覺後雨蕭蕭。金鴨水沈焦。

釵頭鳳

鶯纔語。花纔吐。好春百五。人三五。層樓側。迷藏夕橫波。
入鬢香絲垂額。憶憶憶。春無主。人無緒。十季一夢。霏
殘雨。空相識。成何益。長條雖在。綠陰如織。惜惜惜。

解珮令

月痕依舊。鴈聲依舊。但新來襟懷非舊。錦瑟華年。被別
鴦離鶯。倏倏最關心。永豐坊柳。賣陽時候。題焦時候。
負多情。春三秋九。鮑老當場終不似。小蠻垂手。鸛鸛裘
嬾教。貰酒。

憶秦娥

嘲燕

燕燕掠遍芹泥岸。喃喃又趁飛花入畫簷。季年社日
如相識。慣作依人客。悄悄朱雀橋南。子細尋。

芭蕉雨

隔湘簾。誰弄響。把愁送上眉尖。錯種陰陰幾樹。綠遍池
南。盡日蕭騷。聒耳。不管人帶減腰。纖想也爲多情啼痕
滴損羅衫。半餉漸。靈叢無端。又教州鎖虛簷。已是心
兒未展。恨縷休添。寂寞黃昏酒醒。似慙慙。伴我香奩對
一聽。鳳脰殘燈。鈴聲入夢。厭厭。

佳人醉

瑞木飛花細細。鴛幕重陰天氣。試擁鑪。斟蟻燈前雙麝。

越恁紅嬾爲誘檀奴滿酌側金蕉容易儂翻醉 麝衾
溫矣因甚夜深屏山斜靠不語微凝睇慢騰騰拋郎先
睡卻了冠兒也未

南州春色

正梅溪賦梅詞半
屬莊語爲易此詞

官橋路月朦朧垂垂清影一抹暝煙中桃李漫山從見
姪不是宋家東只合嬋娟翠袖天寒空谷脩竹倚來同
昨夜參橫夢醒幽禽叫處衣上香濃長筵紅樓重陰
青子憑寄語休恁匆匆記取從今管領二十四番風
以梅花風爲第一

遶佛閣

臘月十一日同友登山登貝多庵新閣見雲幢
上人案間便面爲見山遺蹟爲之慨然

凍雲乍斂西望一帶山髻螺淺衰柳沿岸箇中隱隱紅

樓靜垂幔矮橋窄板藜杖渡處霜沼如練闌影凭遍笑
指刈稻村墟爨煙晚有客正棲息坐我蕉團供茗椀
不待夢中青衣逢講院對粥鼓齋魚塵慮都遣故人虛
幻只數筆秋林猶綴殘扇付枯禪霽窗閒翫

醉春風

風力簾旌破水花檐馬和忍寒獨自待郎歸坐坐坐鴛
被濃薰鵲絃閒撥獸環遲鎖一霎更籌過幾回燈燼
墮知他何處泥紅樓臥臥臥難道來時又推沈醉負儂
真箇

踏莎行

見蓬山詩有云死覺孟
光賢不勝同病之感

旅甌壘鹽寒燈針線十季客我疎狂慣尋常猶未覺渠

覺覺時已是人難見。謝傳堂前。膽娘歌畔。悼亡題句。
屏風遍。朝飛雉與夜啼烏。一般絃裏聲。悵怨。

瑣窗寒

歲暮戲
學放翁

冷雨昏烟。重屏靜掩。宛然空谷。軍持菜几。淡貯水仙天。
竹。咽銅壺。譙更漸深。剪聲向伴。攤書燭。喜復陶擁處。猊
煙不散。小屏斜簇。涼燠隙駒速。算塵世難消。莫過閒。
福。名韞利韞。一笑從渠。馳逐。記年時青綾夜寒。曉來陡。
減雙鬢綠。問爭如臘酒情騰。蝶夢松床熟。

荷葉杯

淡夜銅鑾燭。鳳微醉。客坐送鉤遲。玉纖數遍。更猜疑誰。

摩訶誰摩誰。

又

蹋罷星橋三五歸去燈火半闌珊
鸞鏡遺在小長干
瞢瞢摩瞢

又

一枕鴛鴦春倦誰喚曙色辨窓牖
輾轡將動寺鐘停醒
摩醒醒摩醒

又

春晚閒園曲逕人靜柳暗雜花深
潛行何處最關心
尋摩尋摩尋

十六字令

倩
袂襖多時濕露苦將歸
幾猶恐夜淡來

一斛珠

粉裙百摺縷金新。軟穿花。走橋須趁燒燈節。約定鄰
姬。只盼銅街月。吳綾比甲人如雪。愛他一抹蟾光潔。
閒蛾休更釵梁插。朶朶春蘭香沁雲鬟滑。

風中柳

題姬人
來素

雪色千絲。組就楚雲湘水。綰同心。流蘇密綴。研羅衫薄。
把蠻腰拘繫。最垂楊。越教纖細。香囊重裹。憶昔畫屏
偷遞。疊熏籠。沈烟尙脈。花前聞。慙慙依稀。痕漬。是平時
搵人清淚。

醉太平

飛花小亭。垂楊淺江。曉烟如雨。冥冥是誰家。慢青銅

車乍經雕鞍暫停提壺也怕人醒勸重賒玉餅

調笑令

詞風

石家妙選盈數千。珮聲釵色相蟬聯。豈無輕軀與細骨。誰人寵似雛姬專。春華漸衰白日速。失愛蛾眉黛頻蹙。還君龍珮鳳凰釵。別有珠娘擅金谷。

金谷貯嬌玉。蹋處香塵象牀馥。可憐百琲珠盈掬。輸與白江三斛。閒房織就寒蛩褥。樂府空傳怨曲。

又

蘇小

錢塘江上汕壁車。人道天斜花不如。多情愛結同心絲。至今柳髮春風梳。遊人酌酒西陵墓。啼痕髣髴幽蘭露。春隨燕子不歸來。一聲腸斷黃金縷。

金縷斷腸句。家在西陵松柏路。夢中一笑牽帷處。人世
流年幾度。越羅化盡。齊紈蠹。寂寂晚潮來去。

又

江采蘋

上陽雪樹當窓紗。窗中有人吟落花。長門欲奏相如
少。那憶離宮舊鬪茶。海棠紅燭方承寵。肯容驛使傳
秦隴。卜巧空成金鳳形。珍珠不換君恩重。

恩重戀同夢。寂寞長門鏡塵擁。霜綃不見嬌波動。腸斷
梅根小塚。翠華遺舄。休含痛。錦襪馬嵬誰送。

又

霍小玉

淨持嬌女天人容。瓊林照耀春葩紅。鸞鵲傳言十郎
至。初紫驪駒勝業東。低幃枕臂防秋扇。誓詞歷歷烏

絲段淒涼崇敬牡丹時忍使泥綿臥深院

淡院信難倩侍婢歸來舊釵賤夢鞋人醒郎情斷翻悔
黃衫教見擲杯一慟千季怨合子暗拋犀鈿

又章臺柳

銜花野鹿來漁陽法靈道服更禮妝將軍擁劍劫傾
國輜輶邂逅徒徬徨合樂樓頭綬纓子一騎俄生檻
鸞翅剩得青青跪地條依然寒食東風裏

風裏別離易珍重楚金練囊寄佳人已屬沙叱利愁覩
長條跪地章臺折後應顛悴何似青陵連理

又杜秋

隴西廢第雨青蛾停樽愛唱金縷歌掖庭供奉傳龍

子三十季華一瞬過茂苑重廬四鄰改嫁時菱鑑無
光彩寒機札札未成衣話到椒塗紅淚灑

淚灑悶成海朱郎青宮沈暮靄閒門葉積秋燈矮老太
風情空解司勳麗句分明在禪榻鬢絲同慨

又

洞庭龍女

風鬟雨鬢涇河濱楚天望極悲汜人涇河可竭恨難
竭殷勤尺素傳酸辛錢塘一怒雲旗驟酒酣沸耳還
宮樂重向盧家白玉堂明璫無恙臨珠箔

珠箔更斟酌綃縠明璫宛如昨還宮奏罷清光閣曾記
碧雲歌作封書橘社無心託却遂人間期約

又

玉簫

僕射微時江夏遊，青衣侍側青絲柔。
指環畱別踰數載，含顰夜禱鸚鵡洲。
荆門蜀棧無消息，月冷楓根莽香魄。
郎君官重妾身輕，再世逢郎已頭白。
頭白認標格，隱約環痕指間碧。
姍姍不待潛英石，小字呼來歌席情。
綠莫道重泉隔，生死爲郎揀得。

又

詩

錦江春浪曲通橋，錦城較書名阿壽。
十樣魚牋不稱意，玉纖白翎松花膠。
元和才子油幢暇，風光細膩知無價。
流花剡水隔相思，最是雨朝和月夜。

月夜悄吟罷，淡墨離詩和淚寫。
擘成素繭銀光砑，幕府司牋曾借碧。
雞坊靜聞嘶馬門，掩批把花下。

又小周
后

銀缸水滴春宵遲。澄心堂側無人時。香階刻襪向郎處。花陰密跡棲鴉知。
醉撥冰宮朝散翟車歸。鄭國夫人但悲咽。

悲咽。袖綃曉洗而淚痕相對雪。念家山破新聲闕。無復
奉時刻饌。小樓昨夜東風劣。惆悵玉笙寒徹。

摘得新

摘得新。須教插鬢雲。天斜隨玉指。最宜人。不知綠底和
銀落。腸紅句。

如夢令

用宋人
平韻體

蠟淚銅荷未乾。篆縷猶餘博山。窗下剪刀聲。坐徹空閒。

夜闌。夜闌。夜闌。半臂羅輕漸寒。

又

人隔湘煙楚雲。愁對閨中艸薰。三十六鴛鴦不及緘書。
錦鱗。淚痕。淚痕。點却金泥畫裙。

君來路

感夢川葉
亦思體

東華路。西華路。青袍綻盡顏非故。離家百事似黔婁。不
見黔婁當日侶。逢伊處。拋伊處。一燈搖曳覓來去。鏤
金車枕未分明。陣陣綠紗窗外雨。

河瀆神

門閉藕花中。水烟一望濛濛。小碑苔潤隱秋蟲。壞旗猶
颭靈風。廟前繫艇誰家女。晚沙重。耐椒醪。歌罷竹枝。
楚。

無語。神。賜。千。點。飛。去。

又

春浪。嚙。鷗。沙。楓。人。蕉。影。欹。斜。小。姑。初。去。蔣。侯。家。瀟。瀟。靜。
壁。龍。蛇。無。端。夜。半。風。雷。疾。隔。江。村。店。如。墨。愁。絕。短。篷。
行。客。夢。回。鄉。淚。沾。臆。

蹋莎行

見益
菊

袖上。啼。痕。奩。中。藥。裹。病。妝。猶。及。黃。花。朵。當。時。一。餉。已。神。
傷。逡。巡。怎。便。三。季。過。京。雒。驅。馳。鄉。園。拋。躲。影。堂。重。到。
蛛。絲。鎖。愁。人。生。怕。薄。寒。天。無。言。獨。背。紅。篝。臥。

醉妝詞

昨。宵。雨。今。宵。雨。點。滴。何。曾。住。蕉。芭。樹。梧。桐。樹。總。替。醒。人。

語

最高樓

甲寅冬日同帶三先生携亭蓬山豫章嘉樹帶庵南華飲拂鏡樓憶舊

旗亭路不到十年餘。鄰竹尙蕭疎。晚潭再照尊前影，秋塵半罨醉時書。倩何人，迎翠袖，卓銅車。便認得善和坊裏宅，也只似潯陽江畔客。休按拍，怕霑裾。蒼茫曲港迴船處，青熒水市挂燈初。紫衣伶，楊柳句，問誰如。龍丘

王郎輩登此聽大梁蘇生度曲

鶴冲天

見諸公次韻題像詞成帙喜賦仿川前韵

乖虹古渚舊隱三。高處一笑檢歸裝。烏闌句，儘青門折柳，便千疊。畱難住。唱酬皆妙侶。自傳題花絕勝紫姑吟。醒朝醉暮。彈指年光去。剪燭坐西窗。雙螯煮展牙

簾玉輓防懸透黃梅雨歌鬟誰最許斟酌香檀簾罅月
纖風緒

催雪

遙空雲黏閒甃葉擁玉洗冰痕片片漸凍雀無聲紆千
山畔此際五侯亭榭定檢點醺醺教開宴獸鑪圍處工
簾莫放綠樽須戀歌婉拍漫按有郢客壁牋綴詞剛
半待呼取前溪舞人同看挑菜季時近矣便披氅衝寒
柳花岸隨太任吹面吳鹽也索灞橋吟遍

洞仙歌

葉視孫席
間分賦

燈紅釀碧把春融先借玉蕾香催小亭榭舄交時宛在
吳榜湘簾蕪澤賦曾記羅襦半卸眼前饒粉黛借問

桃根何似江頭舊聲價。諸謔儘疎狂。拍手軒渠。金蕉戶也。教鯨瀉。更牢合雙魚。璫歸鞍。漸不覺霜濃漏籤頻下。

風入松

宋南華屬題
孫漢陽松鶴

毳毼雪羽。睽虬顏。唳入翠濤寒。薛公韋偃。經營苦。分明見節勁神閒。不慕大夫岱頂。偏依處士孤山。主人高館。柱頤看。只少箇仙官。幾時真買青山種。科頭坐撫罷盤桓。珀髓千年鍊後。瑤笙一曲飛還。

黃鶴引

用阮川曹體題宋
精庵青村艸堂

海霞明處。恰有詞仙結廬住。遶溪千箇琅玕。供君題句。閒尋逸侶。鬪茗敲枰揮塵看人來去。但三兩忘機鷗鷺。挂幅輞川圖對著。龐公宇。醉聽眠犢童謳。撈蝦人語。

緇塵到不，休羨禁城槐府。碧桃無數，笑不少、漁郎迷渡。

蠟梅香

牆角亭亭，襯欲雪、凝雲漸晡。寒日料得東皇，驛舍喚催。
芳信幾先拆，約畧檀心，渾未透蜂兒消息。正靚妝人，
含章睡起，試安嬌額。折供膽瓶斜，怕吹來橫管，蘚砌
狼籍。一線幽芳襲，縱玉鑪蘭燼，讓他燃蜜。小幅金泥淡
淡，把孤山描出，向曆殘時，松醪偏澆，杏衫春色。

臨江僊

歷歷槿籬芳草徑，重來恰是殘春。春光無忌客愁新。露
桃花不見，何況倚花人。翠袖香微蟬鬢晚，當年幾遍
逡巡。半篙溪水蹙魚鱗。夕陽叉手處，腸轉似車輪。

杏花天

金魚池上秋燈宴。記垂手香裯玉軟無端。又向江南見。
笑靨依然暈淺。潺潺雨紅簾不捲。恣消受桃花小扇。
美人賦罷文園倦。却被春風惱亂。

掃花遊

新綠川王
碧山韻

藥欄晝永。漸送盡花風。喚來鳩雨。剩香在否。賺金衣脫
曉。帶烟穿去。縱未成陰。不似西園絳樹。悄延佇。甚恰對
畫樓端正如許。紅子拋劫處。愛半綴油幢。紫藤無數。
玉聰緩步。記題門舊巷。墜鞭斜路。冶葉倡條。故故窺垣
拂宇。澹平楚。隔溪南。圓茶歸暮。

渡江雲

題范武功畫
川張叔夏韻

煙霞人境外，矮籬仄徑。風景授衣初，野翁門未啓。想得
香杭刈了，罷犁鉏橋平水漲。蕩菱絲不礙澄湖，誰手種
徂徠百尺，嶢峩幾千株。容余科頭偃臥，濯足高吟，向
前峯深處，便好伴鷗閒。犢癩鶴瘦猿孤，脩然几案曾何
有。賸一編僧課，農書塵不到，問斜川彷彿還無。

黃鵬遶碧樹

雨中同友訪葉硯孫於空翠山房卽事用吳圖次韻

斟酌橋西去，閒停桂槳。試敲梧院，淨洗鉛華，喜微衣雨
細，沁鞦泥軟。石闌徙倚，弄煙冷秋紅曾見。驚對此，又早
濃陰落蟻，新巢藏燕。傍午單衣覺暖，趁微晴更呼珠
釧，學遊冶。且花前密坐，燈背低嚬，莫放盛年暗度。悵後
會朱顏變，空憶笑奪鸞鏡，醉題蟬扇。

燕歸慢

松陵道中感事
川梁五經體

亭午推篷漸城迷舞鶴橋。亘垂虹陰晴鑑月後。墟落柘
煙中。嗟眸扶醉已冥濛。忍更聽山陽一簫風。何人共青
翰。被閒疊小熏籠。千里約廿年事。三生石五更鐘。烏
衣古巷清秋月。念曾與璧人同。無端消渴悞臨邛。漫羸
得同心墓草紅。寂寞望華表。但搖漾水連空。

如此江山

楓溪
夜泊

斜陽水廟停橈處。依稀浪萍前度。酒幔垂烟。魚鱗暝晚。
無恙浴禽眠。樹。奚童偶語。隄觸撥傷心。亂絲如許。越榜
吳檣。等閒斷送歲華去。新蟾半鉤乍吐。黯情懷不記。
綺窗眉嫵。衝鼓催行和衣。殢醉總把鳳衾。耽誤草臺。藕

路況玉合荒唐翠條非故羞照澄波驗秋霜幾縷

喜遷鶯

送子武入都兼寄令弟嚴濟

渭城檀拍乍一聲催動短亭行客燕尾帘青裙腰
偏稱錦韉珠勒玉雲西苑曉重眺望洗妝樓側有
籠煙柳隋棠袍色京國試射策此際弱毫肯便輟
戟表奏平淮文成論蜀飛藻待銘金石惠連如問
奇語漁叢踪跡但側耳白玉堂快傳聯璧

沁園春

答莊天申用蔣勝欲韵

饑朔歸來三徑蕭然猶存敝廬喚陶家通子應門謝客
杜家阿段引酒澆蔬松徑科頭藤床企腳不夢羊腸九
折車風日好更閒乘白舫小泛清渠衛郎玉潤誰如

問藥裹詩籤好在歟想難除慧業衍波題句近傳仙術
脉望藏書鹿柴新營漁磯恰傍莫厭頻過水竹居知何
限向朱門觸熱短刺長裾

驀山溪

藤枕

輕勾誰作持比楠櫓大玉骨瘦稜稜用不着繡雨包裹
井華洗罷蕃馬小屏邊龍鬚妥鰕綃彈隨意斜安箇
有人嬌情一晌華清臥無計諱紅顚被印出粟紋纖瑣
晚涼天氣茉莉半開時藏幾朵香無那夢也風涼過

又

竹牀

湘人顚悴輾轉看清淚本擬住華胥却占籍渭川淇水
當風企足把卷逸書看陶然醉窮狀睡別有蕭蕭意

合歡名字漫羨鴛鴦美。爭似玉琅玕。是翠袖暮天曾倚。
蕉陰藥榭。位置儘頻移。維摩偈。跏趺對。一縷茶煙細。

又羽扇

微薰庭院。那得凌秋翰。製就影團圓。愛入手。月輪霜片。
小童九髻。搖動得人憐。王郎腕。何郎面。一色看難辨。
蒲葵五萬聲。價因他賤。逸翮剪天狀。更莫畫雀紗鸞絹。
青城仙侶。馳檄召封城。涼飈薦。流螢亂。寶袂消香汗。

又蠅拂

仲翔賓客。慣點無瑕璧。驅遣賴松枝。不負與短轅同錫。
過江白紵。生長擅譚鋒。疎簾側。新桐碧。挂取紅絲尺。
背屏斜立。試喚青綃執。欲展更遲回。似懊惱臂環無力。

隱囊清晝人困小橫陳休唐突佯拋擲悶破槐安黑小
志竟陵王青精持拂紫袖吹簫

天門謠

蹉柳今年閏猶未退麥秋寒信過雨陣便衫鬆簪潤

揭霧薄紗幘低語問可許宵來鴛被趁酥頰暈笑答
道貪涼添困

月當廳

本意用史
梅溪韵

竹栢冷浸空庭影逡巡又上碁局中心記得那時攜手
檻曲堂深聽徹笛牀水調恁清輝不換等身金酒醒後
投衣風露絡緯微吟流光暗去銷魂在夢悠揚劃銀
闌角慵尋貫取翠樽還度阿濫餘音多少舊歡任拋却

最難忘處是遺簪。閒立遍棲鴉徑。認屐齒墻陰。

宴清都

沙縣丙舍澄暉閣落成喜賦

葦箔莧裘小。疎籬外碧溪如帶。斜遶藏門。乞柳因堦。蒔藥護墻移篠。猶嫌遠目難舒。映水築層樓。縹緲始稱與靈運春池。元規月夜登眺。身閒恣我清狂。危闌倚遍。長笛吹早。農歌接隴。炊煙隔塢。綠勻青裊。畦丁貫得村酒。恰舉網銀鱖尾掉。判自今細酌清吟。看雲數島。

梅子黃時雨

本意倣張叔夏體

紅綻纔肥。鎮烟鎖樾陰。珠響簷雷。笑睡損香闌。誤辰爲西。聞喚司書覓塵。防他黠滲。細囊舊熏籠覆。一線水沈時透。鴛袖消瘦。新疎詩酒。儘清齋繡佛。聊遣長晝更。

蟹眼開烹龍團私圖三十六陂秋水潤空濛不似前裙
候微暉漏又被婦鳩傷倦塵尾能消

孤轡

凌秋有騎省之悼屬予賦此

多情京兆記雙倚妝樓遠山親掃鏡匣流塵翳忍遣孤
鸞照空帷漫勞結夢路茫茫月梯烟島誰喚鴻都羽客
問別來消耗寫新愁盡白偏生好向冷簾拙思敗屏
刪掃檢點秋雲帷被啼珠裏了季時杏欏立處碧錢深
鳳鞞聲悄惆悵衿懷似恁只蓼蟲知道

長亭怨慢

春藻堂送彭羨門歸鹽官時有女郎麗娟約仙在坐

乍飄歇梅天疎雨又是離樽送君南浦鄂被催歸蜀牋
題恨共誰語翠鬢金縷齊唱徹銷魂句怎大小姑邊不

解把彭郎畱住。達曙便消停燭跋也。只統如三鼓探

鈎漫戲。總贏得別懷如許。算此後夢役覓勞。定尋遍官

橋煙樹。賴隙月殷勤。流照樓烏啼處。

烏夜村即何準舊宅在鹽官城外

倦尋芳

張視銘招飲臨流草堂

砌葵剪錦。塘柳垂幃。軒戶瀟灑。一霎濃雲。天許晚來秋

借。少女風欺。纖葛度。美人虹映。澄潭跨。趁微涼。儘青州

白墮。競浮瓊瑩。

聽隔葉珍禽如話。易太韶華。難際清

暇。獨醒誰招。楚夢兩回吟罷。

是月間端陽

拙宦生涯。輕似曉

醉鄉滋味。甘於蔗笑紛紛。軟紅間。客何爲者。

淒涼犯

蓬山亡後讀其所寄芝田詞

燈暉小閣。分攜際。烟疎月澹如昨。半酣放舸。空畱軟語

頓乖後約。虞淵日薄，長筵誰家正作。怕重經爐畔客，不
是舊諧謔。雙鯉近傳訝。蘭紙蠅書，粉銷香鑠。子期老
矣，迸朱絃，倍添蕭索。身後雕蟲，問爭抵花時，秦鶴把關
干拍遍。愁來沒處著。

一萼紅

雨

織千絲。愛騷騷屑屑，偏向夜闌時。短夢驚殘，香衾覓處，
涼意筠簟先知。曲池畔，荷新竹嫩，憑做就紅潤綠離披。
似泊秋江，打篷聽倦，烟寺鐘遲。誰遣楚臣才調，把高
唐逸事，寫入微辭。珠閣三更，紗窗幾陣，消費無限情思。
莫重唱吳娘舊曲，照雙笑挑起曙燈微。此際蘭胸貼水，
分外凝脂。